

FIASCHILLE

Fiaschille - ca facéve u bannetore –
jéve p'a tèrre c'a mostre d'u vine,
ma nen paréve n'ome de candine,
vestute sèmbè cume a nu segnore.
E s'avantave ch'isse ére parénde
de don Ruggire Bonghe u prevestore.
P'a vije po' ce stévene i guagliune,
'nzengherejate da quacchè fetènde:
s'appustavene a tutte i pendune;
che 'na nzalate de tanda pernacchje
candavene p'u sfotte a guèja - guèja:
«Bonghe, Bonghe, Bonghe
cu lu cule sunave 'a trombe,
cu lu nase grattave u case,
Viva Bonghe u vastase».
E Fiaschille, tutte panze e presènze,
p'a degnetà de quell'appartenènze,
maje currève apprisse a sckamunejà,
ma, parlanne pulite, c'u taliane,
respunnève: «Figli di gran puttane».
E d'a famiglje pulezzave 'a macchje.